

# CYNGOR SIR YNYS MÔN

## Cofnodion y Cyfarfod Blynyddol Gohiriedig a gynhaliwyd ar 31 Mai 2017

**PRESENNOL:** Y Cynghorydd Richard O. Jones (Cadeirydd)  
Y Cynghorydd Dylan Rees (Is-Gadeirydd)

Y Cyngorwyr John Griffith, Richard Griffiths, Glyn Haynes, K P Hughes, T. LI Hughes MBE, Vaughan Hughes, Llinos Medi Huws, A M Jones, Carwyn Jones, Eric Wyn Jones, G O Jones, R LI Jones, R.Meirion Jones, Alun W Mummery, Bryan Owen, R G Parry OBE, Shaun James Redmond, Alun Roberts, Dafydd Roberts, J A Roberts, Margaret Murley Roberts, Nicola Roberts, P S Rogers, Dafydd Rhys Thomas, Ieuan Williams a Robin Williams

**WRTH LAW:** Prif Weithredwr,  
Prif Weithredwr Cynorthwyol (Partneriaethau, y Gymuned a Gwella Gwasanaethau),  
Pennaeth Swyddogaeth (Adnoddau) / Swyddog Adran 151,  
Pennaeth Swyddogaeth (Busnes y Cyngor) / Swyddog Monitro,  
Pennaeth Gwasanaethau Democrataidd,  
Swyddog Pwyllgor (MEH).

**HEFYD YN  
BRESENNOL:** Neb

**YMDDIHEURIADAU:** Y Cyngorwyr Lewis Davies ac R A Dew.

### 1 **DATGANIADAU O DDIDDORDEB**

Ni chafwyd yr un datganiad o ddiddordeb.

### 2 **CYHOEDDIADAU**

Gyda thristwch mawr, cyhoeddodd y Cadeirydd y bu farw Mr Irfon Williams o Fangor ar ddydd Mawrth yn dilyn brwydr ddewr yn erbyn cancr. Mr Williams oedd Rheolwr y Gwasanaeth Iechyd Meddwl Plant a'r Glasoed ym Mwrdd Iechyd Prifysgol Betsi Cadwaladr. Cydymdeimlwyd â theulu a ffrindiau Mr Williams.

Safodd yr Aelodau a'r Swyddogion mewn distawrwydd fel arwydd o barch a chydymdeimlad.

---

Atgoffodd y Cadeirydd yr Aelodau i gadw'r Rheolau Trafodaeth mewn cof pan fyddant yn annerch y Cyngor llawn.

### **3. AELODAETH Y PWYLLGOR GWAITH**

Yn unol â Pharagraff 4.1.1.2.7 y Cyfansoddiad, enwodd yr Arweinydd yr aelodau canlynol fel y rheini yr oedd wedi eu dewis i wasanaethu ar y Pwyllgor Gwaith, ynghyd â'u cyfrifoldebau portffolio: -

Y Cynghorydd Richard A. Dew gyda chyfrifoldeb am y Portffolio Cynllunio a Datblygu Economaidd;

Y Cynghorydd R. Meirion Jones gyda chyfrifoldeb am y Portffolio Addysg, Ieuenctid, Llyfrgelloedd a Diwylliant;

Y Cynghorydd John Griffith gyda chyfrifoldeb am y Portffolio Cyllid;

Y Cynghorydd Bob Parry OBE FRAGS gyda chyfrifoldeb am y Portffolio Priffyrdd, Eiddo a Rheoli Gwastraff;

Y Cynghorydd Dafydd R. Thomas gyda chyfrifoldeb am y Portffolio Adnoddau Dynol, Technoleg Gwybodaeth a Busnes y Cyngor;

Y Cynghorydd Llinos M. Huws (Arweinydd) gyda chyfrifoldeb am y Portffolio Tai a Gwasanaethau Cymdeithasol

Y Cynghorydd Ieuan Williams (Dirprwy Arweinydd) gyda chyfrifoldeb am y Portffolio Prosiectau Mawr a'r Iaith Gymraeg.

Dywedodd Arweinydd y Cyngor y bydd adroddiad yn cael ei gyflwyno i'r Pwyllgor Gwaith ar 12 Mehefin, 2017 mewn perthynas â newid Cyfansoddiad y Cyngor i gynyddu nifer y swyddi ar y Pwyllgor Gwaith sy'n gymwys i gael uwch gyflog. Nodwyd y bydd angen cymeradwyaeth y Cyngor llawn yn ei gyfarfod arbennig ar 6 Gorffennaf, 2017 ar gyfer yr argymhelliad o'r Pwyllgor Gwaith a gynhelir ar 12 Mehefin, 2017.

### **4 CADEIRYDD Y PWYLLGOR GWASANAETHAU DEMOCRATAIDD**

Yn unol â Pharagraff 3.4.12.3 y Cyfansoddiad, **PENDERFYNWYD** ethol y Cynghorydd Robert Llewelyn Jones yn Gadeirydd y Pwyllgor Gwasanaethau Democrataidd am 2017/18.

### **5 CADARNHAU'R CYNLLUN DIRPRWYO**

**PENDERFYNWYD** cadarnhau'r cyfryw ran o'r Cynllun Dirprwyo y mae'r Cyfansoddiad yn nodi mai mater i'r Cyngor ydyw i'w chytuno fel y nodir yn Rhan 3.2 y Cyfansoddiad.

## **6 RHAGLEN O GYFARFODYDD CYFFREDIN Y CYNGOR SIR**

**PENDERFYNWYD** cymeradwyo'r rhaglen ganlynol o gyfarfodydd cyffredin y Cyngor Sir ar gyfer y flwyddyn i ddod: -

- 6 Gorffennaf, 2017 am 2.00 pm (Cyfarfod Arbennig)
- 26 Medi, 2017 am 2.00 pm
- 12 Rhagfyr, 2017 am 2.00 pm
- 28 Chwefror, 2018 am 2.00 pm
- 15 Mai, 2018 am 2.00 pm

## **7 CYDBWYSEDD GWLEIDYDDOL A PHENODI CYNGHORWYR I BWYLLGORAU**

Cyflwynwyd i'w ystyried, adroddiad y Pennaeth Gwasanaethau Democrataidd ynglŷn â threfniadau cydbwysedd gwleidyddol y Cyngor.

**PENDERFYNWYD: -**

- **nodi'r trefniadau cydbwysedd gwleidyddol priodol newydd a nifer y seddau y gellir eu priodoli i bob un o'r Grwpiau o dan Ddeddf Llywodraeth Leol a Thai 1989, a nifer y seddau a roddir trwy ddefod ac arfer i'r Aelod(au) nad yw'r trefniadau cydbwysedd gwleidyddol yn berthnasol iddynt;**

**Cadarnhau enwau'r Aelodau a fydd yn eistedd ar y pwyllgorau isod er mwyn paratoi ar gyfer y cyfarfodydd i ethol Cadeiryddion ac Is-Gadeiryddion:**

**Pwyllgor Sgriwtini Corfforaethol;  
Pwyllgor Sgriwtini Partneriaeth ac Adfywio;  
Pwyllgor Archwilio a Llywodraethiant;  
Pwyllgor Cynllunio a Gorchmynion;  
Pwyllgor Trwyddedu;  
Pwyllgor Gwasanaethau Democrataidd (Is-Gadeirydd yn unig).**

- **Mewn perthynas â'r pwyllgorau eraill a nodir yn yr atodiad i'r adroddiad hwn, bod Arweinyddion y Grwpiau yn darparu manylion am aelodaeth i'r Pennaeth Gwasanaethau Democrataidd cyn gynted ag y bo modd;**
- **Penodi'r Cyngorwyr T LI Hughes MBE a Dafydd R Thomas i wasanaethu ar y Pwyllgor Safonau am gyfnod y Cyngor.**

## **8 PENODI I GYRFF ALLANOL**

Cyflwynwyd i'w ystyried, adroddiad y Pennaeth Gwasanaethau Democrataidd yn gofyn am gadarnhau'r rhestr o benodiadau a wneir i gyrff allanol..

### **PENDERFYNWYD: -**

- **Cadarnhau penodi cynrychiolwyr i wasanaethau ar y cyrff allanol a restrir yn Atodiad 1 i'r adroddiad.**
- **Os bydd angen gwneud newidiadau yn y dyfodol i gynrychiolaeth y Cyngor ar gyrff allanol, bod awdurdod yn cael ei roi i'r Prif Weithredwr wneud hynny mewn ymgynghoriad gydag Arweinyddion y Grwpiau.**
- **Mewn perthynas â chynrychiolaeth y Cyngor ar gyrff llywodraethu ysgolion, bod awdurdod yn cael ei roi i'r Pennaeth Dysgu wneud penodiadau o'r fath mewn ymgynghoriad gydag Arweinyddion y Grwpiau.**
- **Bod y Pwyllgor Gwasanaethau Democrataidd yn ystyried y trefniadau adrodd ac yn gwneud argymhellion i'r Cyngor.**

Daeth y cyfarfod i ben am 3:20 pm

**Y CYNGHORYDD RICHARD O JONES  
CADEIRYDD**

